

quod proposuerit filium propitiatorem, interueniente ipsius sanguine, inde usq; facta in paradiso, Semen mulieris conteret caput serpentis, & nulla alia unquam satisfactione uoluerit placari, & quod multa patientia tulerit, ac nunc ferat peccata furentis mundi, ut demonstret iustitiam suam in seruata promissione de filio futuro uictima, & ut ipse sit iustus & in puniendo peccato per mortem filij, & in iustificatione peccatorum per fidem in Christum, iuxta suam promissionem.

Agnoscamus igitur nos esse iniustos, & seueritatem iustitiae Dei erga peccatum metuemus, fateamur nos esse reos, & indigere Deo nos iustificante per propitiatorem, hunc etiam amplectamur, & iustitiam nobis oblatam in sanguine ipsius per fidem ad nos applicemus, & hanc ostensionem iustitiae Dei ostendamus nostra confessione & praedicatione gratuita misericordiae. Confiteamurq; cum Dauid & Daniele omnium hominum iustissimis: Tibi domine tantum sum peccator, Tibi iustitia, nobis autem confusio faciei.

Detrahit enim Deo gloria donatae iustitiae qui contendit se esse iustum coram Deo propria uirtute, sicut Paulus sonantibus uerbis ait: Ut sit ipse iustus, & iustificans eum, qui est ex fide Iesu. Ut enim solus Deus bonus est, ita solus Deus iustus est. Omnes homines sunt natura &
re ipse